

**74** í landhelgi við Ísland, hafi á ýmsan hátt brotið lög þau, er um þetta efni gilda, hefir ráðgjafinn, svo sem sjá má af brjefi því, dags. í dag, til utanríkisráðgjafans, sem hjer fylgir eptirrit eptir, tekið fram aðalákvæðanir þær, sem um þetta efni gilda, og skorað á utanríkisstjórnina að leggja fyrir hina dönsku konsúla í Noregi að birta þessar ákvæðanir fyrir Norðmönnum.

Um leið og yður, herra landshöfðingi, er tjáð þetta til þóknanlegrar leiðbeiningar, skal þjónustusamlega á yður skorað, að þjer vilduð þóknanlega sjá um, að fyrir bæjarfógeta og sýslumenn verði lagt að gæta þess nákvæmlega, að fiskiveiða-lögum þeim, er nú eru í gildi, verði fylgt, eins og þau í aðalatriðum sínum eru fram sett í brjefinu til utanríkisráðgjafans, og að það verði sjerstaklega brýnt fyrir embættismönnum þessum, að hafa strangt eptirlit með því, að eigi sje farið í kringum ákvörðunina um fasta búsetu á þann hátt, sem um er getið í skýrslu Trolles, eða á þann hátt að veiðin sje rekin af hlutafjelögum eða samlögum, þó hver einstakur fjelagsmaður fullnægi eigi skilyrðunum fyrir því að mega reka fiskiveiðar í landhelgi, og ber þar að auki að gæta þess, að veita engum útflendingi borgarabrjef eða atvinnuskirteini, nema hann hafi í raun og veru sezt að í landinu (sbr. 2. grein opins brjefs 28. desbr. 1836).

Að öðru leyti vonast ráðgjafinn eptir að fá þóknanleg ummæli yðar, herra landshöfðingi, bæði um innihald skýrslu Trolles premierlieutenants og um fiskiveiðamálið í heild sinni.

**75** — Brjef ráðgjafans fyrir Ísland til utanríkisráðgjafans um fiskiveiðar Norð-  
7. febr. manna. — Samkvæmt skýrslum, er ráðgjafinn hefir fengið, verður að ætla, að fiskiveiðar þær, er Norðmenn hafa rekið síðustu árin við Ísland, hafa á ýmsan hátt komið í bága við íslenzku fiskiveiðalögin, og verður því að álíta það óskilegt, að lagaákvæðanir þær, er hjer eiga við, verði birtar almenningi í Noregi; en það mun brýnt fyrir hinum íslenzku yfirvöldum að gæta þess nákvæmlega, að þeim verði fylgt fram.

Fyrir því væri ráðlegt að leggja fyrir hlutaðeigandi dönsku konsúla að birta Norðmönnum þessar aðalákvæðanir um fiskiveiðar í landhelgi við Ísland.

1. að engir aðrir en danskir þegnar megi stunda fiskiveiðar í landhelgi.

2. að utanríkismenn, sem óska að veiða *annadhvort sjer eða í sameiningu við Íslendinga eða aðra danska ríkisþegna* verða, að hafa öðlast *fast heimili* annadhvort á Íslandi eða Danmörku eptir reglum þeim, er um heimilisfang gilda; en að kaup á borgarabrjefi eða atvinnuskirteini alls enga þýðingu hafa í þessu tilliti.

3. að brot geng ákvörðunum þessum varða sektum samkvæmt tilsk. 12. febr. 1872.

4. að skip þau eða bátar, sem hafðir eru til fiskiveiða, skulu vera *dönsk eign*, og að engin önnur skip verða höfð til að verka aflann, til að hýsa fiskarana eða annars þess háttar.

5. að því er snertir mennina á skipum þeim, er höfð eru til fiskiveiða, skal breyta eptir opnu brjefi 27. maí 1859, þannig, að auk skipstjóra og stýrimanns skal helmingurinn af hásetunum eiga heina í hinu danska ríki, ef skipið er gjört út frá Ís-

---

Svo að sömu reglu verði hvervetna fylgt í meðferð nefndra atriða, leyfi jeg mjer að stinga upp á, að sýslumönnum á Íslandi verði gefin ákveðin fyrirmæli eptir að fara í þessu efni, og að breytningar þær, er gjörðar kunna að verða frá því, sem nú er, verði hinir dönsku konsúlar í Noregi látnir birta þar í landi.

landi; en eftir lögum 23. janúar 1862, ef skipið er gjört út frá Danmörku, og skulu samkvæmt þeim skipstjóri og stýrimaður vera danskir þegnar.

75  
7. febr.

6. að greiða skal innflutningsgjald samkvæmt tilskipan 1. maí 1838 af þeim utanríkisskipum, sem verða skrásett á Íslandi.

7. að breyta skal eftir tilskipun 3. maí 1869, að því er snertir skrásetningu utanríkisskipa.

Ráðgjafinn fyrir Ísland leyfir sjer því þjónustusamlegast að skjóta því til utanríkisráðgjafans að leiðbeina hinum dönsku kensúlum í Noregi samkvæmt þessu.

— Brjef ráðgjafans fyrir Ísland til landshöfðingja um fiskiveiðar Norðmanna. — Í þóknanlegu brjefi frá 24. f. m. hafið þjer, herra landshöfðingi, út af brjefi ráðgjafans 7. febr. þ. á um eptirlit bæjarfógeta og sýslumanna með því, að gildandi lögum sje fylgt við fiskiveiðar í landhelgi, lagt það til, að yður verði veitt heimild til að bæta því við fyrirmælin um þetta eptirlit, að hlutafjölögum eða samlögum, sem eru juridiskar persónur og hafa sem slíkar heimilisadsetur stjórnar sinnar á Íslandi, sje heimilt að taka þátt í tjeðum fiskiveiðum eptir þeim reglum, sem annars eru lögákveðnar um það efni.

76  
14. apr.

Út af þessu læt jeg eigi hjá líða að tjá yður þjónustusamlega til þóknanlegrar leiðbeiningar, að ráðgjafinn álitur það ófað, að eptir gildandi lögum, einkanlega tilskip. 7. marz 1787, §§ 2. og 3. (sbr. tilsk. 13. júní 1787 I, §§ 2. og 10)., sem skýrlega láta í ljósi, að veiðiskapur megi að eins rekast á kostnað danskra þegna, svo að enginn útlendingur megi, hvorki beinlínis nje óbeinlínis eiga þar minnsta hlut í, nema hann sje í raun og veru búsettur á Íslandi eða Danmörku, — verði engu því samlagi, ónafngreindu eða nafngreindu, sem ætla má að útlendingar sjeu þátt-takendur í, leyft að veiða í landhelgi, og fyrir því verður eigi sú viðbót gjörð, er þjer hafið lagt til.

Í sambandi við þetta vil jeg þar að auki út af spurning þeirri, er þjer, herra landshöfðingi, meðal annars minnzt á í þóknanlegu brjefi yðar 28. febr. þ. á., hvort leyfilegt megi álitast, með tilliti til fyrirmæla tilskipunar 13. júní 1787, kap. I. § 10, að nota við veiðiskap í landhelgi báta, er norskir þegnar eiga, bæta því við, að með því að hjer er um opna báta að ræða og lögín innihalda engar ákvarðanir um þjóðerniseinkenning þeirra, þá mun ekkert vera á móti því, að slíkir bátar sjeu notaðir, þó auðvitað af þeim einum, sem heimild hafa til að veiða í landhelgi.

Um spurning þá, er þjer, herra landshöfðingi, hafið vakið um breytingar á lög-gjöf þeirri, er nú gildir um veiðirjett í landhelgi, áskilur ráðgjafinn sjer að ræða síðar meir.

### Ágrip

77

af reikningum, sem eru undir stjórn amtmannsins í suður- og vesturumdæminu.

#### Búnaðarskólajald í suðurumdæminu 1880.

	Tekjur.	Kr.	A.
1. Eptirstöðvar við árslok 1879:		kr.	a.
a. Í veðskuldabryfum . . . . .		6700	»
b. Óborgaðir vextir . . . . .		9	36
c. Í peningum . . . . .		178	57
		<u>6887</u>	<u>93</u>
		Flyt	6887 93